

Pitanja koja su najčešće postavljana u prvom tjednu nakon raspisanog Javnog poziva Federalnog ministarstva energije, rudarstva i industrije „**Tekući transferi i drugi tekući rashodi-subvencije privatnim preduzećima i poduzetnicima**“ :

1. Da li privredno društvo kojem je dodijeljena finansijska pomoć po Uredbi o interventnim mjerama za podršku ugroženim sektorima privrede Federacije Bosne i Hercegovine u okolnostima pandemije COVID-19 za 2020. godinu mogu ponovno aplicirati na Javni poziv Federalnog ministarstva energije, rudarstva i industrije?

Neprihvatljivim korisnicima finansijske pomoći smatra se svih 388 privrednih društava kojima je dodijeljena finansijska pomoć po Uredbi o interventnim mjerama za podršku ugroženim sektorima privrede Federacije Bosne i Hercegovine u okolnostima pandemije COVID-19 za 2020. godinu („Službene novine Federacije BiH“, broj 74/20) i po javnom pozivu za dodijelu finansijske pomoći izvoznim privrednim društvima u sektoru industrije za 2020. godinu, koji je bio objavljen na web stranici Federalnog ministarstva energije, rudarstva i industrije.

2. Da li privredno društvo koje nije ostvarilo pad prihoda od 10%, a izvoznik je, ima pravo da aplicira na Javni poziv Federalnog ministarstva energije, rudarstva i industrije?

Osnovni kriterij za izbor korisnika po ovom Javnom pozivu za dodijelu finansijske pomoći je da je privredno društvo ostvarilo pad ukupnog prihoda od najmanje 10% za period 01.01.2020. godine – 31.12.2020. godine u odnosu na ukupni prihod ostvaren za period 01.01.2019. godine – 31.12.2019. godine ili da je izvoznik , što znači da je privredno društvo ostvarilo izvoz preko 30% od ukupnog prihoda ostvarenog u 2020. godini i za koje postoji službeni godišnji finansijski izvještaj. U ovom slučaju aplikant izabire uvijet po kojem može aplicirati na navedeni Javni poziv.

3. Da li privredna društva koja su osnovana kao obrti i čija šifra djelatnosti je trgovina, imaju pravo učešća na Javnom pozivu?

Korisnik finansijske pomoći može biti privredno društvo kome je prema klasifikaciji djelatnosti BiH 2010 glavna šifra djelatnosti dodijeljena od nadležnog Zavoda za statistiku iz područja C – Prerađivačka industrija, izuzev oblasti: 10 (proizvodnja prehrambenih proizvoda), 11 (proizvodnja pića), 12 (proizvodnja duhanskih proizvoda) i da je privredno društvo osnovano po Zakonu o privrednim društvima („Službene novine Federacije BiH“ broj 81/15).

4. Da li dokumentacija kojom privredno društvo aplicira na Javni poziv Federalnog ministarstva energije, rudarstva i industrije može biti starija od mjesec dana?

Sva potrebna dokumentacija (original ili ovjerena kopija) kojom privredno društvo aplicira na Javni poziv Federalnog ministarstva energije, rudarstva i industrije NE smije biti starija od 30 dana od dana podnošenja zahtjeva za dodjelu grant sredstava, osim dokumenata za koje je izričito navedeno u kojoj formi se dostavljaju.

5. Da li potvrda Porezne uprave o broju zaposlenika iz jedinstvenog sistema aktivnih osiguranika izričito treba biti na dan 31.08.2021.godine ili će biti uvažene iste na dan podnošenja zahtjeva?

Federalno ministarstvo energije, rudarstva industrije neće uzeti u obzir potvrde koje je privredno društvo dobilo na dan podnošenja zahtjeva, dakle potrebno je dostaviti iste izričito na datum 31.08.2021. godine.

6. Do kada privredna društva mogu aplicirati na Javni poziv Tekući transferi i drugi tekući rashodi- Subvencije privatnim preduzećima i poduzetnicima?

Javni poziv ostaje otvoren 21 dan od dana objave u Službenim novinama Federacije BiH odnosno od 24.09.2021. godine do 15.10.2021. godine.

SEKTOR INDUSTRIJE

01.10.2021. godine